

中華郵政特准掛號認爲新聞紙類

民國十四年正月初十日出版

(第十三期)

紹興醫藥月報

總發行所

紹興城內
石門檻

紹興醫藥月報社

◀ 第一號 第二卷 ▶

中華民國十四年夏正正月初十日出版

紹興醫藥月報第二卷第一號(即第十三期)

本報編輯員

【總編輯】杜同甲

【副編輯】何廉臣

【分編輯】胡瀛嶠

楊質安 胡寶書

王邈達 單遠蕓

汪竹安 楊厚栽

徐仙槎 王鐵如

蔣彬臣 何幼廉

潘文藻 田康濟

徐秋生 胡思範

周越銘

傅伯揚

陳樾喬

錢少楠

高芷沅

何筱廉

汪詠裳

李養和

編輯所

浙江紹興城內宣化坊
紹興醫藥月報社

總發行所

浙江紹興城內石門檻
紹興醫藥月報社

分發行所

浙江紹興城內大街
天芝堂藥號

印刷所

浙江紹興城內小教場
紹興印刷局

名譽贊成員

盛賜仲君 張天漢君 俞少村君 胡思疚君 張榮堂君
姜證禪君 陳秉衡君 胡雨湘君 胡隱熾君 陳子英君
薛軼塵君 張琴蓀君 姚曉澄君 謝杏田君 朱鞠堂君
徐叔蓀君 鮑菊谷君 姚偉澄君 陶仲安君 朱仲華君
王子裕君 錢聿聲君 朱閩仙君 陶叔祥君 章天覺君
王叔梅君 胡坤圃君 平宜生君 蕭叔明君

名譽編輯員

章太炎君 吳玉純君 張壽頤君 惲鐵樵君 何公日君
史介生君 袁桂生君 胡天宗君 傅懋園君 高思潛君
楊如侯君 周小農君 王肖勛君 時逸人君 張破浪君
張壽甫君 陸晉笙君 楊燧熙君 張汝偉君 華照藜君
楊孕靈君 孫伯康君 裘士東君 徐經才君

名譽社員表

震元堂周乾生君 天芝堂沈企周君 老三瑞羅懷邦君 至大號葉鴻章君
天寶堂蔣宗濂君 利生堂林子膺君 天益堂潘文濤君 仁德堂陳寶仁君
上壽堂梁國賢君 光裕堂張丙揚君 天祿堂林炳水君
以上皆紹城大藥店各經理熱心公益每年認經費洋十二元正共圖醫藥之推廣

民國十四年本報第二卷第一期目次

論文 少陰病四逆散方通解 常熟吳玉純 演講金匱入腑入臟兩節 同

前 張氏醫學達變之緒論 何廉臣 余之中西醫術觀 史介生

孕婦諸病之原因甚則流產難產及預防並治法論 鎮江楊燧熙

重用石膏記 泰縣楊孕靈 倫脫根放射線(俗稱愛克司光綫)之通

俗談 哈

學說 女科學箋疏 蘭谿張壽頤 錢氏產科驗方 錢少楠編 壽祺校錄

新解兒難 何幼廉編 氣喘論治 史介生

醫案 志誠堂氣短醫案 張壽甫撰 古今醫案平議 張壽頤選 求質錄

蕭山華照藜

雜錄 治療述異初編 廣陵徐召楠

問答 治痘問答 許夢蘇撰

通訊 山東王肖舫先生來函 徐仙槎君答覆杜海生君函

介紹張氏中風辨證

此書係蘭溪中醫學校教務主任張壽頤先生撰述。其學說融貫古今。溝通新舊。剝膚存液。崇實黜華。爲治中風者定一標準。本社同人。固多欽佩。廉臣尤贊其學雖參西。方選國粹。閱報諸君。諒必先覩爲快焉。

總發行所蘭溪中醫學校 定價 官堆紙每部一元五角 重太紙每部一元

本社特別鳴謝

去年冬。承本城朱閬軒大善士。贊助敝報社英洋二十四元。熱心公益。嘉惠醫林。敝社同人。極深感激。特登本報。以揚仁風。

少陰病四逆散方通解

常熟吳玉純

按太陽篇中。有二陽合病。三陽合病之例。然太陽篇中。又有汗出熱不解。頭眩身瞶動。振振欲擗地之真武症。又有晝日煩躁不得眠之乾姜附子湯症。又有厥逆咽乾。兩脛攣之四逆湯症。此皆太陽症未罷。而已駸駸乎陷入少陰之分。若夫三陰經中。少陰之麻附細辛。脈沉反發熱症。是病在少陰。而仍夾有太陽之表也。此條四逆散症。亦是病在少陰。而仍夾有少陽之半表半裏。少陰爲陰樞。少陽爲陽樞。陰與陽不同。而柴胡爲樞轉之劑。則無不同。凡一經之中。俱寓有各經之兼症。此實傷寒傳經之證據。其端倪畢露於此。故有以此經傳至彼經者。亦有以彼經轉至此經者。六經中交通之點。具有易之八卦。參伍錯綜。以成六十四卦之妙。所謂一三五六日者。皆言其理之常。尙未窮乎病情百般之變態也。故太陽一篇頭緒紛繁

。不善讀之。似乎凌躐雜亂。不知六經之傳變伊何。以及各種誤藥之壞症。其中本經病之主體。傳變病之客體。條理分明。線索貫串。正如神龍鱗爪。或隱於彼。或現於此。雖夭矯變化。萬緒千頭。而其主腦並無纖悉之紊亂也。前人有謂太陽爲開首一篇。故方論較諸篇獨詳。此言殊爲蒙混。讀傷寒論者。能於各篇中本經病之主體。傳變病之客體。分晰而會通之。則可以得入門之階級矣。

演講金匱入腑入臟兩節

同前

擬仿演義話體講解全書才力不及有志未逮姑錄一則以質 高明

問曰。寸脈沉大而滑。沉則爲實。滑則爲氣。實氣相搏。血氣入臟卽死。入腑卽愈。此爲卒厥。何謂也。師曰。唇口青身冷。爲入臟。卽死。如身和汗自出。爲入腑。卽愈。

問曰。脈脫入臟卽死。入腑卽愈。何謂也。師曰。非爲一病。百病皆然。譬如浸淫瘡。從口起流向四肢者可治。從四肢流來入口者不可治。病在外者可治。入裏者卽死。

以上兩條。金匱原文。爲卒然發厥者。分別其症之輕重死生也。假令人家來請云。有人病驟然目竄口噤。厥逆似死。卽去診視。厥尙未醒。正在驚惶之際。醫者靜心診脈。其脈沉大而滑者。可斷其爲實症。非虛症也。實者何。必有或痰或食。阻其氣血循行之道。上逆而爲厥也。然本條但言實氣相搏。何以云或痰或食哉。考脈經有云。下手脈沉。便知是氣。脈滑爲痰飲。又爲宿食。故知本條實字。當卽指痰食而言也。不然。實與氣如何而相搏哉。診察之際。若見唇青身冷。則是氣血阻閉。內臟之生機已絕。譬之墮溺之人。不頃刻而死矣。若或搐鼻取嚏。灌湯探

吐。氣機得通。身轉溫和。得有微汗。所謂邪從外達。入腑則愈也。然或診其脈而不見大滑。沉取並無。是爲脈脫。其將如之何哉。然脫者。非虛脫之謂也。乃氣道阻閉。其脈一時脫絕。所謂伏脈也。故凡中風急症。見浮大或細微之脈者。必多不救。若脈伏者。是其氣道驟然閉阻。氣道一通。脈即出矣。故伏脈仍是實症。非虛症也。故亦入臟卽死。入腑即愈也。

張氏醫學達變之緒論

寒暑變而成春秋。日月變而成晝夜。生土質變而成老少。養炭氣變而成呼吸。凡蟻附於地球上者。無一年一月一日一時一分一秒有不變之勢。而最不知變。最不欲變。必迫於天時人事。環境潮流。驅之使不得不變者。實惟中國之人。乃一變而之船炮。再變而之工藝。三變而之學術。四變而之

政治。今日駸駸乎及醫界矣。中國科學之程度。以醫界爲最低。中外衝突之潮流。以醫界爲最後。而革新之希望。亦以醫界爲最難。以改革醫界之時期而論。猶前清咸同朝之工藝。甲午前之學術。戊戌年之政治也。雖有一二熱心早智之士。窮千里目。運廣長舌。嚆音瘖口。昌言改革。而反對之派。尙居多數。挾食古不化一成不變之執見。故步自封。苟安簡陋。豈知事有古守其常。而今窮其變者。法家例。醫家術。其是已。夫事物變無窮也。有其備之。變更出所備外。故變無窮。窮其變者有窮。變無窮。窮其變者當與爲無窮。自非挾百試之才。享神明之壽。多其閱歷。神其穎悟。鮮有能相劇相守。以窮無窮之變者。故能如張君壽甫之衷中參西。張子壽頤之推陳出新。遠古而適合乎古。食古而不泥乎古。時或拾古之遺。糾古之失。補古之闕。釋古之疑。已爲難能而可貴。今生甫張君。慈谿名士

年逾花甲。與嚴君癡孫。數十年同志嫻醫。本通變之宏才。著達變之醫學。溫故知新。通今博古。化裁盡致。闡發靡遺。是能窮其變而又善自變之達醫也。足與張君壽甫。張子壽頤。鼎足而成三達之名流矣。

中華民國十四年春王正月印巖何廉臣敬序於越州臥龍山麓之宣化坊

余之中西醫術觀

史介生

中醫始於岐黃。西醫創於埃及之哀斯古拉伯。地之相去也。數萬餘里。時之相遠也。數千餘年。兩不相同。又不相謀也。惟中醫長於理想。西醫重在實驗。但理想莫非由實驗而來。實驗亦未嘗不從理想而得。然則理想爲實驗之基礎。實驗爲理想之目的也。第所謂理想而成實驗者何哉。卽辨骨絡臟腑脈絡之部位。以明生理學之剖解術是也。詎不知剖解爲吾國固有之學術。而吾國以代遠年湮。遂致失傳。彼西醫則繙譯中醫之書籍。悉心研

究。始有今日之實驗也。杜威博士有云。教育之所以不可少。因人有生。必有死。人死而經驗學問與之俱亡。後世之人。必須從新經驗。故教育云者。將此經驗傳遞下去是也。由是以觀。則我國剖解之失傳。以古時少於醫學教育所致矣。幸賴神農黃岐。著本草內經等書。垂示後人。兼以歷代先賢之經驗。一脈相傳。得以拯民疾苦也。而所謂生理學者。則內難二經。固彰彰可據。豈非吾國神聖之醫學。已有經驗也乎。且今日西醫之剖解術雖行。猶未能辨別氣血精液之消長。如我古聖先哲之明確也。然則我國古聖。定出臟腑名目。安知其不早經剖解實驗乎。唐宗海曰。西人初創醫法。故必剖割方知臟腑。中國古聖。定出五臟六腑諸名目。皎然朗著。何必今日再用剖割之法。當神農時。創立醫藥。或經剖視。或果聖人洞見臟腑。均不必論。然其定出五臟六腑之名目。而實有其物。非親見臟腑者不

能。安得謂古之聖人。未曾親見臟腑耶。靈樞經云。五臟六腑。可剖而視也。據此經文。則知古聖已剖視過來。且西洋剖視。只知層折。而不知經脈。只知形迹。而不知氣化。與中國近醫。互有優劣。若與古聖內經本經較之。則西洋遠不及矣。夫唐氏之言如是。則知我國古聖。對於臟腑經絡之部位。早經實驗剖解。安得信爲西醫之創始哉。

考西醫之漸通中醫者。如羅馬之漢尼巴。入中國而得內經素問等書。歸國後專心力學。十有餘年。得以醫名著於西歐。其西方後生。又能探內經之秘奧。繼先人之遺緒。故其學識經驗。得能日臻完善。然環顧今日之中西醫術而平論之。中醫精於理。能補人之不足。一遇割症則束手。西醫善於法。能去人之有餘。一遇怯症則無策。中醫重用草木之藥。以圖萬全。而和平每從緩效。西醫好用金石之品。本可救急。而毒烈轉易傷生。中西兩

醫。各有所偏。倘能鎔冶一爐。融會貫通。既研究中醫之學術。復擇取西醫之精華。則我國醫學之進步。繼長增高。如是出而問世。不難爲蒼生造福於無窮也。

奈世之好奇者。見夫人之剖割有術。裏紮有方。察病體而有寒熱表。驗臟腑而用聽診筒。遂謂中醫不如西醫。豈知中醫之四診。固勝於西醫器械手段之診斷也。如病人顏面之色澤。全身之肥瘦。可望而知之。患者之痛苦呻吟。以及喘氣呼吸。而揣其病狀。可聞而知之。病期之遠近。以及有無服藥之經過。可問而知之。由望聞問三診而詳察其病情外。更辨其脈之浮沉遲數。而明其表裡寒熱。可切而知之。再參以腹舌二診。則病因病狀。無所遁形矣。吾國古昔醫者。如扁鵲見桓公之色。而知其病入膏肓。丹溪切貴人之脈。而斷其亡之期日。凡若此者。代有其人。謂非精神獨到。將

憑何實驗而決之耶。中國以四診爲旨。進而求之。深以驗之。治病已無餘蘊。又豈聞聲有筒。切脈用表者。所可同日語哉。

且凡西醫之學術。均係中醫所流傳。如張仲景之穿胸納赤餅。卽西醫入樹膠管去流入豆吊膿。入練布去毒之權輿。扁鵲之互易人心。卽西醫全體新論所云。人若失血。借他人血。用注射針入迴血管之先聲。華陀剝腹去積。先飲以麻沸湯醉死施治。卽西醫哥囉仿謨古加乙涅麻藥之基礎。黃帝靈樞經。言八尺之士。皮肉在此。可度量切循而得之。可剖解而視之。卽西醫亞刀散始創人身剖驗之矯矢。凡屬西醫發明之術。詎爲新得。中醫則習用已久。視爲故常者。證以中醫之法而益信。有中醫相傳之理。矜爲國粹。西醫則窮原竟委。瞭如指掌者。覈以西醫之說而益明。故西醫之稱爲種新奇。俱不出我軒岐之範圍。安知非我國格致失傳。而奇方絕技。遠流

於外。彼不過竊其餘緒。何得竟稱獨步哉。

無如中國之業斯道者。不爲學術之勵惕。徒以名譽之競爭。如是而欲醫學前途之發達。不可得也。吾醫界中人。誠能振刷精神。而昕夕研究。藉以溫故知新。或採擇歐亞之精微。以補醫學之殘缺。庶幾我中醫以數千年歷聖相沿之薪傳。億萬人嘗試之經驗。得能存立於競爭之世界。倘再故步自封。墨守舊章。而不知改舊謀新。則優勝劣敗。豈能免天演之淘汰哉。

孕婦諸病之原因甚則流產難產及預防並治法論 鎮江楊燧熙

陰陽交媾以成胎。胎充而自產。如瓜熟蒂落。此自然之理也。每見孕婦生有諸病。良由外感外侵。或七情內傷。諒因房事不除。勞苦不能。飲食無節。起居不時。嬌養過甚。則六淫七情。均可無微不入也。(邪之所湊。其氣必虛。)甚則頻見流產難產。然則如何可杜此弊。必須重尙衛生。節

其飲食。忌其煎炒炙燻。粘膩肥甘。椒芥烟酒。(香烟尤甚)亦勿食後即寐。必須小爲勞苦。常見農婦朝耕田。而暮生產。且生產亦易。由勤勞之人。筋骨柔軟也。按孕婦久坐久臥。筋骨故不舒展。而氣血每每壅滯。五臟違和。故有流產難產之弊。誠可嘆也。是必慎其起居。早睡早起。不可尸睡。當左膊向下。醒則右膊向下。以使胎元左右活潑。然必獨宿。而無以上諸病之原因。亦可作預防之政策也。假使六淫爲病。審其何淫以治之。前賢已論於前。不再筆矣。至七情爲病者。如因悲恐驚爲病。以安魂定魄。而益腎清膽之品。再以怒勝悲。喜勝恐。靜勝驚。以制之。如憂愁成患。以肅肺之品。以喜樂而勝憂愁。如喜怒過甚。傷於心肝。大喜墜陽。怒則氣逆。每易傷胎。以清心平肝之品。再以恐激之。以悲勝之。古人以黃芩白朮。爲安胎聖藥。因於熱甚傷胎。苦寒最宜。或勞苦過度。脾元大傷

。甘補最合。脾傷熱熾。則八脉不振。未能載胎。安胎大旨。因氣虛下陷者。參朮并投。佐以升。柴。薑。棗。血虛者。地斛之中。參入龍牡。黨參。氣能生血也。血能載胎。寒阻者。芎歸之劑。合入桂水炒白芍。甘草。紅棗等。熱甚者。苓連併用。佐以地冬。至勞傷者。四君加糯米。紅棗。經以勞者逸之。虛者補之。因外感者散之。佐以保護胎元。以客者除之。因梅毒者。仙遺糧煎和五寶丹。辛涼佐以苦寒。因犯房勞者。鎮納下焦而育真陰。收斂八脉。以和肝脾腎。因惱怒者。以平肝斂陽之劑。服後均不可仰臥。再以四診爲標準。使氣得內守。血得內榮。如斯則胎元固而諸病除。何小產難產之有哉。

重用石膏記

泰縣楊孕靈

李姓媳年廿九。患溫病。卽傷寒所謂三陽合病症也。延兩旬。諸醫皆云濕溫症。

熱極生風。方用銀翹湯加石決明鈎藤桔梗蘇荷鬱金胡麻蟬蛻等藥。病日劇。都云不治。乃邀尙誠診。其症熱汗煩渴。肢冷戰慄。譫語睛泛。身重不能轉側。遺溺不覺。切其脈數滑而大。右手尤甚。察其苔膩黃而燥。遂用生石膏四兩。黃肉一兩。龍牡各八錢。知母玄參白芍山藥各六錢。黨參四錢。甘草二錢。服後熱與汗均愈半。戰慄稍定。譫語亦稍止。治旬日而瘳。初尙誠之處是方也。病家及其戚輩咸咋舌。相率謂石膏用如許。得未曾見。安可服。尙誠曉之曰。熱重自汗。脈滑數。大煩渴。其病勢且垂危。非重劑之石膏無以挽回。吾思之審矣。吾處此方。吾任之。幸毋恐。毋更張。及持方至藥肆。果謂用石膏者向無此大劑。險被減其分量也。嗚呼。夫石膏質重。本經謂味辛微寒。而陽明氣分之大熱。豈數錢所能奏效哉。張君壽甫云。石膏對於有實熱者。放膽用之。直勝金丹。非虛語也。世俗畏石膏如鳩毒。不敢用。用亦不敢多。吾冒大不韙。而以石膏重劑愈疾。特泚筆誌其顛末。以告世之用石膏者。


倫脫根放射線（俗稱愛克司光線）之通俗談

哈

（一）定名 三十年前。德國物理學家倫脫根氏。發見一種新光線。氏名之曰愛克司放射線。人以其功績偉大。因改稱倫脫根放射線。蓋欲使發見者名垂不朽也。近人喜稱倫脫根爲倫鏡。實舍正音而取土音耳。

（二）發生 水性向下。人盡知之。其高低之差愈大。則水流之壓力愈高。電氣從陽極沿電線而流向陰極。猶水之從高處沿水管而流向低處。故亦稱電流。且亦有電壓。高壓之電流。與自極高處瀉下之水流相當。用以發生倫脫根放射線之電流。非高壓者不可。今使高壓電流。流通於中斷之電線中。則該電流能衝破二斷端間之空氣抵抗而放電。（空氣對於低壓電流。不能傳電。）放電時。發生一條有光之火花。今若將此二斷端。（即陰陽兩極。）封入一個密閉之玻璃管中。管內空氣。用抽氣筒逐漸抽出。則通電

時。隨管內空氣之多寡。陰陽兩極間。次第發生種種不同之光芒。空氣抽出愈多。則管內空氣愈稀薄而氣壓愈低。若其氣壓僅與千分之一耗水銀柱之壓力相當。(管外大氣壓力。與七百六十耗水銀柱之壓力相當。一耗約合中尺三厘二毫四絲。)則管內現象。驟為一變。此時自陰極發出一條藍色之光束。名曰陰極線。陰極對面之玻璃管壁。與此光束相遇。即生顯明之螢光。(參看第一圖。)



第一圖

所謂電子。其質量與水素原子之一千八百分之一相當。在空氣極稀薄之管內。一秒時能自陰極進行十萬耗。(一耗約合中國三千二百四十尺)此陰極線之性質。與上述之放電火花不同。因已非二極間之連接物。故陽極任

在何處。而陰極線始終以直線方向。由陰極向前進行。若將管內空氣。再

陽極（對陰極）




圖 二 第

行抽出。則陰極綫束。漸次細淡。終則若有若無。幾不復能見之矣。唯觀玻璃壁上之螢光塊依然存在。從可知陰極綫之未嘗消失也。管內空氣如

此稀薄時。又發生一種新現象。即從與陰極線相遇之玻璃管壁。發出一種目不能見之新放射線。

此線向各方面作直線狀而放射於管外。所謂倫脫根放射線者是也。由此觀之。陰極線乃倫脫根放射線之母。凡為速度奇大之電子（即陰極線）所射着之處。皆可發生倫脫根放射線。但陰極線衝至玻璃管壁。不特能使管壁發生螢光。且能使玻璃

發生高熱而熔融。故實地上不復使陰極線衝射於玻璃管壁。而使中途集合於一塊極難熔融之金屬板上。(例如白金。華爾福蘭等)此金屬板封在玻璃管內。因與陰極相對。故稱對陰極。又實地上所應用之玻璃管。已改作球狀。(故稱球管。其種類繁多。不及備述。)而對陰極則改作凹鏡狀。從此種凹鏡狀陰極發出之陰極線。能集合於一點。此點適在對陰極面上。陰極線集合於對陰極上之一點後。即從此點起。射出倫脫根放射線。其情形宛如以石投湖而生浪。石與陰極線之電子相當。浪猶倫脫根放射線也。(參看第二圖。)

(三)性質 倫脫根放射線。既非人目所能見。故欲證明之。非用一種特別之方法不可。用此方法。可使該綫出現于吾人之目前。其法即用塗有華爾福蘭酸鈣或鏷化白金鉀等物之透視板。置于球管之前。則透視板上顯出螢

。然祇其一端。非凡是赤濁。皆如此也。無論何症。各有真源。本不可僅据症狀。以斷寒熱虛實。畢竟各有其他之脈症可据。不可一概論也。

（箋疏）孟英謂女子生而帶下。不足爲病。卽其所謂津津常潤者。本屬無多。亦不穢惡。俗有十人九帶之諺。誠不必藥。且閨中隱曲。原不告人。亦未有以此求治者。如其太多。或五色稠雜。或五臭間作。斯爲病候。虛寒虛熱實熱三層。已足包涵一切濁帶諸症。果能明辨及此。治法已無餘蘊。至謂枯燥全無者。卽是虛勞之候。此卽褚氏遺書所謂枯則殺人者。苟非眞陰之告匱。皆其斲喪太過。合多而津乾液耗者也。孟英體驗及此。確是古人未道之語。

（箋疏）此王荊公方。爲虛證之遺溺帶下設法。於固澀之中。仍以利水化痰輔之。補而不滯。頗爲靈動。

（箋疏）河間地黃飲子。治猝然音瘖。支廢不用。是爲腎藏氣衰。陰陽兩脫於下。而濁陰泛溢於上。氣血冲激。擾亂神經者立法。其証必四逆支清。或冷汗自出。其脈必沈微欲絕。其舌必滑潤淡白。故以麥冬熟地峻補真陰。桂附戟蓉。溫養元氣。五味萸肉。酸以收之。所以招納渙散。返其故宅。理法精密。本不可以治肝陽上冲之腦神經病。今去桂附。借用以治陰虛陽擾之遺濁崩帶。填攝真陰。本欲以靜制動。以陰固陽。則方中萸遠開泄。尙非所宜。而巴戟菴蓉。更嫌其溫煦之性。反以助陽。尙宜斟酌損益。而堯封反謂萸肉五味。酸收可去。似失製方之意。蓋本陰虛而不固者立法。正是利用其酸收。既無濕熱實邪。尙復何嫌何忌。又引葉氏說天地濫和。風濤自息。則爲陰霾肆逆之病而言。可論地黃飲之全方。既去桂附而治肝風鼓動。葉說已全不相涉。而坎中陽微下焦失納二句。更是盲人捫燭。

無此情理。須知坎中陽微而不能固攝者。有之。何所謂納。若曰肝爲剛藏。不宜投剛燥之藥。則滋養肝陰。惟以甘潤爲主。亦宜柔而不宜溫。要之腎家陰虛。相火鼓動。而爲遺溺崩帶之病。本是最多。脈弦且大。龍雷火亢。是方與繆氏廣筆記之集靈膏。柳洲續名醫類案之一貫煎。皆滋養真陰。攝納浮陽之上乘禪也。

〔箋疏〕此治肝腎相火亢而疏泄無度之遺濁崩帶。火之偏旺。實由於陰之不足。故清火不在苦寒而在甘潤。又選用清香芬芳之品。以疏絡中鬱熱之氣。尤爲心靈智巧。

〔箋疏〕濁帶之因於下元陽虛。不能固攝者。其症甚少。如不見有確切之脈症。不可輕牽引用。是方仍以養陰爲主。稍加桂附。燠然下元。而仍賴丹澤茯苓。通泄水道。本非專爲補陽之藥。用於是症。方與崔氏腎氣丸之主

旨符合。與立齋養葵竟認作溫補元陽主劑者。識見不同。胡可以道里計。孟英謂陰虛而兼有濕火。宜六味加黃柏。惟其有濕火在下。六味全方。始爲合轍。則彼之竟謂六味補水者。其謬何如。

（箋疏）此必下焦無火。而虛不能固之濁帶。方是對症。然此症極少。如其有之。則硫能溫養腎火。而性滑利。非蠻鈍封鎖之比。所以神效。

（箋疏）此方專爲腎家無陽。關闌不守者立法。選注謂寐則陽陷。正以陰分本弱。寐則氣靜而陽陷入陰。故以茸角通督脈之陽而舉其陷。製方確有精義。然須知陽陷之陽。與相火不藏之陽。大有區別。不可混治。

（箋疏）此方一派收澀。必純屬虛不能固者可用。然未免呆笨。難收實效。且蓮子芡實。終是食物。混入藥劑。用非所用。殊覺無謂。自天士老人筆頭弄巧以開其端。而吳子音爲撰三家醫案。隨其流而揚其波。於是海參淡

脾經停濕。互助水飲。壅肺咳喘者。本方去桑皮萆皮。加生於朮一錢至錢半。春砂仁五分至六分。(杵沖)如因鬱怒動肝。肝挾衝氣。肺氣上逆而咳喘者。本方去新會皮茯苓皮生薑皮。加石決明六錢至八錢。左金丸七分拌青蛤散三錢。(包煎)如因房勞傷腎。腎水上泛。肺氣失降而喘嗽者。本方去苓皮萆皮薑皮。加茯苓三錢至四錢。淮山藥四錢至五錢。(生打)上沉香五分至六分。(磨汁沖)

實驗發明

孕婦子氣之爲病。據產乳集論曰。妊娠自三月成胎之後。兩足自脚面漸腫至腿膝。行步艱辛。以致喘悶。飲食不美。似水氣狀。至於脚指間有黃水出者。謂之子氣。直至分娩方消。此由婦人素有風氣。或衝任經有血風。未可妄投湯藥等語。就余臨症實驗。殊不盡然。實因孕

婦腹中。驟增胎兒一物。阻礙肺脾。肺脾氣機爲之不利。胃中日飲湯水。積爲停飲。故前哲謂支飲射肺。肺氣失降。因而現種種病狀者。謂之子氣。病如子懸。一爲肝熱挾胎氣上衝。一爲停飲挾水氣上逆。一熱一寒。病因異而病狀迥殊。對症發藥。藥湯何嘗不可服。故以仙籐香蘇爲君。既能宣暢肺機。又能順氣安胎。臣以五皮飲加減。退其面目肢體之浮腫。佐以紫苑。溫順肺氣以利溺。使以白前。肅降肺氣以定喘。仿宋陳景初先生天仙籐散。全生白朮散。出入調劑。爲治孕婦子氣之驗方。若夾他因別症。仍當隨因症而加減之。

方名主治

錢氏清煩湯（泄熱安神法）

專治胎熱上冲。心神不寧。時時煩躁。名曰子煩。

虛靈之所。虛則忘實。故方於大劑清營之中。佐辛潤開閉。尤必涼藥熱飲。取其流通。此即陰陽開闔之理。小兒固效。大人尤驗。幼廉亦曾歷驗之矣。

(十七)瓜霜紫雪 清喉科方省庵先生經驗方

即前第四期中紫雪方。去二硝。加西瓜硝八錢爲君。頭梅冰三錢爲佐方省庵曰。此方治內外煩熱不解。狂越躁亂。發斑發黃。瘴毒熱疫。蠱毒鬼魅。口瘡腳氣。小兒驚癇火痘昏厥等症。其效如神。即治咽痛喉風。重膠痰核。舌疔紫泡等症。亦屢奏捷效。

(十八)陸氏犀羚鎮痙湯 熄風清熱增液定痙法 清陸定圃先生經驗方

犀角尖 三分至五分 元參心 錢半至二錢 濟銀花 一錢至錢半

羚羊片 五分至八分 鮮生地 三錢至五錢 青連翹 一錢至錢半

甘中黃 四分至六分 淡竹瀝 一大瓢分沖 至寶丹 一顆藥湯下

陸定圃曰。凡中暑熱盛神昏。謔語發痙。未經針挑者。此方往往獲效。奈世人遇小兒患此證者。妄謂驚風。用針挑之。走泄真氣。陰陽乖逆。轉至不救。特誌之以示戒。

至寶丹方 見前第十二期中十五方

(十九)清絡飲 輕清氣分辛涼芳香法 清吳鞠通先生經驗方

鮮荷葉邊 二錢 鮮銀花 二錢 西瓜翠衣 二錢

鮮扁豆花 一枝 絲瓜皮 二錢 鮮竹葉心 二錢

吳鞠通曰。凡暑傷肺經氣分之輕證。皆可用之。葉子雨評溫病條辨曰。此方治暑病後餘邪。輕清可服。幼廉臨症實驗。凡治暑痙輕症。每用此方加嫩桑芽二枚。調下溴曹一分。其痙卽止。

氣喘論治

史介生

氣喘之症。其原因有虛實之殊。夫所謂實者。邪氣實也。其責在肺。以肺主呼吸故也。卽調經論謂氣有餘。則喘咳上氣。經脈篇謂肺。手太陰也。是動則病肺脹滿。膨膨而喘咳。仲景謂。上氣喘而躁者。屬肺脹之類是也。實喘之狀。胸脹氣粗。聲高息湧。膨膨然若不能容。惟以呼出爲快也。所謂虛者。元氣虛也。其責在腎。以腎主納氣故也。如經脈篇曰。腎。足少陰也。是動則病飢不欲食。咳唾則有血。喝喝而喘之類也。虛喘之狀。慌張氣怯。聲低息短。皇皇然若氣欲斷。提之若不升。吞之若不相及。勞動則甚。而惟急促。但得引長一息爲快也。然氣喘旣分虛實。則其症之輕重。一言以蔽之曰。實者易治。虛者難醫。夫虛喘之所以難醫者。以腎與胃。均交會於胞中。而胞中名爲氣海。乃呼吸之根元。人之呼氣。由氣海

而上胸膈。入肺管而出於喉。其路徑則循衝脈。故內經指衝脈爲氣街也。如是。則知衝脈爲出氣之衝衢。其氣生於丹田。循躋旁。上胸中。走肺衣中。又上會於咽。則氣從之出矣。及至喘促之時。則腎眞已失納氣之權。欲以草木無情之物。挽回眞氣。詎不難哉。但不獨虛喘爲然也。卽實喘亦有屬之衝脈者。如內經舉論曰。寒氣客於衝脈。衝脈起於關元。隨腹直上。寒氣客。則脈不通。脈不通。則氣因之。故喘動應手矣是也。至於治療之法。就余臨證所及。旣宜分其虛實之異。又宜辨其寒熱不同也。茲將虛實寒熱之證治。約略陳之。

一虛喘者。如傷寒汗下之後。邪退正虛。而元海無根。眞氣不納。以致呼吸不能接續。氣短似喘。治宜貞元飲。補納腎氣以治之。又如氣虛肺弱。汗大出。而氣喘者。宜前劑合生脈散以收納之。又有元氣虛弱。而足冷氣

內科氣短案

〔病者〕劉名印。年近三旬。業農。住鹽山城東北任村。

〔病名〕氣短

〔原因〕農事忙時。力田過度。遂自覺胸中滿悶。其實非滿悶乃氣短也。粗人不善體病情。即不善述病情。往往如此。醫者不能詳審病因。遂投以寬胸利氣之品。其病增劇。自覺不但滿悶。且呼吸氣短矣。醫者改用半補半破之劑。服之病又增劇。改延他醫。投以桔梗當歸木香各數錢。病大見愈。盖全賴桔梗升提氣分之力也。醫者不知病愈之由。至再服時。竟將桔梗易爲蘇梗。升降異性。病驟反覆。自此不敢服藥。遲二十餘日。勢難支持。遂延愚診視。

〔症候〕喘不能臥。晝夜倚壁而坐。假寐片時。氣息即停。心下突然脹起。

急呼醒之。連連喘息數口。始覺氣息接續。倦極偶臥片時。覺腹中重千斤。不能轉側。

(診斷)其脈乍有乍無。寸關尺三部。或一部獨見。或兩部同見。又皆一再動而止。左右皆然。此乃勞力過度。致胸中大氣下陷。故氣短幾不能息。夫大氣之名。見於內經。亦名宗氣。靈樞五味篇曰。穀始入於胃。其精微者。先出於胃之兩焦。以溉五藏。別出兩行榮衛之道。其大氣之搏而不行者。積於胸中。命曰氣海。出於肺。循喉咽。故呼則出。吸則入。嘗思肺懸胸中。下無透竅。胸中大氣。包舉肺外。上原不通於喉。亦並不通於咽。而曰出於肺。循喉咽。呼則出。吸則入者。蓋謂大氣能鼓動肺臟。使之呼吸。而肺中之氣。遂因之出入也。又客邪篇曰。五穀入於胃。其糟粕津液宗氣。分爲三隧。故宗氣積於胸中。(宗氣大氣皆積胸中同爲一氣可知

一 出於喉嚨。以貫心脈。而行呼吸焉。細譯經文。知人之呼吸由於肺。而司肺之關關以行呼吸者。實賴胸中所積之氣。今此證因勞力過度。致胸中大氣下陷。是以氣短不足以息也。其脉之忽動忽止者。亦因氣陷不能貫心脉也。

〔療法〕欲治此證。當升補其下陷之氣。使之仍還胸中。其病自愈。爰擬方如左。

〔處方〕生箭芪一兩。升麻二錢。柴胡二錢。淨黃肉二錢。共煎服。

〔效果〕此藥服後。片時。腹中大響一陣。有似昏憤。甦息須臾。恍然頓醒。自此呼吸復常。可以安臥。轉側輕鬆。自言百病皆除。惟胸中似覺煩熱。診其脈。六部皆見。間有雀啄之象。遂將方中升麻柴胡。皆改用錢半。因其煩熱。又加知母玄參各六錢。服後脈象不見雀啄。左關仍似參伍不調。

。知其氣分之根柢。猶未實也。遂改用野臺參一兩。玄參天冬麥冬（帶心）各三錢。服兩劑全愈。

或問喘者皆係氣上逆。不能下達。此證既係胸中大氣下陷。何以亦作喘乎。答曰。人之呼吸。全賴胸中大氣。鼓動肺臟。此證因大氣下陷過甚。呼吸之機關將停。不得不努力呼吸以自救。其呼吸迫促之形。有似乎喘。而實與氣逆之喘。有天淵之分。蓋氣逆之喘。由於吸氣難。無論病因為內傷外感。其喘之劇者。必然肩息。（內經以喘而肩息者為肩息）氣陷之喘。由於呼氣難。雖喘至呼吸有聲。必不肩息。欲辨此二證。可作呼氣難。與吸氣難之狀。以默自體驗。自能得其確實。臨證時可無差謬。又氣逆作喘者。脈多浮滑。或兼數象。或尺弱寸強。氣陷作喘者。脈象皆與此相反。尤易明辨。使於此而或辨證不清。以氣逆作喘之藥。治氣陷作喘。以氣陷

段。乃改用白虎等清降之法。而始熱退渴解。藥與病應。理有可憑。至次日而又發熱昏憤者。或前此小柴胡之性。乘時而動。未必果以復感得之。如果又受新邪。當其畏寒。且熱亦不當如是之劇。而乃又是柴葛升麻。大提特提。竊恐屢經反覆之餘。當不起此一派升陽鼓動之力。以理言之。此方必有大害。而乃自謂汗出熱退。恐是自欺欺人。實則熱甚神昏而無寒者。此藥必無倖效之事。且此之大熱。亦豈可以汗解者。是皆明人習慣。自道其道。萬不可聽者。讀元明人書。最難盡信。如其勉強效顰。無不僨事之理。

丁長孺先醒齋筆記 朱遠齋治從祖近湖公。少年。因房勞食犬肉傷寒。諸醫以其虛也。攻補兼施。至發狂登屋。奔走號呼。日夜令壯夫看守。幾月餘矣。急走使延朱。朱先令煎人參膏二斤以待。用潤字號丸藥數錢下之。

去黑糞無算。熱遂定。奄奄一息。鄰於死矣。徐以參膏灌之。至一百二十日全瘳。

〔平議〕此案止言狂走號呼。叙證未盡明晰。但用潤字丸而可去黑糞無算。則此丸之力量必重。可知今所傳方。未必果真。先醒齋筆記者。本丁氏采仲醇治案爲多。後繆氏又增入諸方。遂名廣筆記。今共稱爲繆氏書者以此。而是案稱從祖近湖公。則是丁氏之人。不可誤認仲醇。故題以丁名。昭其實也。

張氏醫通 王公峻子。四月間。感冒。昏熱喘脹。便秘。腹中雷鳴。服硝黃不應。圖治於石頭。其脉氣口弦滑。按之則扎。其腹脹滿。按之則濡。此痰濕挾痰。濁陰固閉之候。與黃龍湯。去芒硝。易桂苓半夏木香。下痰垢甚多。因宿有五更咳嗽。更以小劑異攻。加細辛潤之。大抵腹中奔響之

急須留意。時諸醫詢予曰。然則表裏分消奈何。予曰。銀翹合消導耳。曰消導可用硝黃乎。予曰。是非虛人所宜也。且胃中並未熱實痞滿。亦不到此地步。當用萊菔六麴之屬。乃立方用連翹杏仁象貝瓜蒌蟬衣青蒿萊菔鬱金六麴枳壳之類。方成。諸醫均竊笑其平淡不濟事。予亦不復置辨。明日復來邀。謂熱勢已輕。病有起色。則加減再進。如是四五日則熱退神爽。諸症漸瘳。但大便終未下。病人深以不便爲苦。問可用攻下否。予曰非所宜也。此乃邪熱傷津。胃中液涸而致燥結耳。立方用鐵皮鮮石斛老式天竺黃山枝婁皮杏仁之屬。一劑而苔垢退。腹中舒。然便終未下。予曰。此時積又下至大腸矣。如苦服藥緩。不妨再用洗腸法。行之得黑大便無數。而諸症俱瘳。

甲子秋。城北鄉農人郁阿寶之子患時感。惡寒發熱。胸悶氣逆。口渴引飲

。小便短赤。邀予診。謂已服某醫藥四劑。日見其甚。不知何故。防有藥誤。出示前方。予診其苔脈。知確係時感。視其前方。乃連翹蟬衣豆卷薄荷花粉杏仁象貝元參枳殼子芩知母之屬。予笑曰。此非藥誤。乃藥多也。不必更方。卽就原方爲之去元參知母子芩。加活水蘆根一兩。煎湯代水。越日復來。謂諸症俱瘥。惟覺力怯耳。因農忙急有事於西疇。囑再立方清理。乃處方清宣餘邪。兼養正。因詢此何以故。予曰。是非汝所知也。可見用藥不宜雜亂。發表藥中。最忌雜以苦寒降下之品。不特邪不易出。且反引之入裏。幸彼係農人。藜藿質實。不然。一轉瀉而殆矣。

又按癘風一證。爲千古難治之病。因此而成殘廢者。予目見多人。有因遺傳而得者。有因猝遭惡風而得者。大抵血中多含毒素。而後因惡風之中。乃成此病。故始得卽遍體搔癢。肌膚甲錯。麻木不仁。此皆氣血爲風毒所傷之現象也。然後口眼喎邪。手足攣曲。鬚眉脫落。鼻梁崩倒。此毒已入臟。已屬難治。最後手足指脫落。足底穿通。腐流穢水。臭不可聞。兩腿已非身中之物。雖以刀砍斧鑿。亦不知何者爲疼痛矣。此吾親覩隣人患癘瘋之形也。

又按柳子厚捕蛇者說云。永州之地產異蛇。黑質而白章。觸草木盡死。以齧人。無禦之者。然得而臘之以爲餌。可以已大風攣踠癘癘。去死肌。殺三蟲。時珍本草綱目論白花蛇黑質白花。與此頗同。則子厚所說者。當是白花蛇矣。而此蛇遍體黑章成雲篆。頂有獨角。旣與白花蛇大異。

。而與烏梢蛇又不相同。究不知屬於何種。姑俟博物者以識之。

失明

吳中書郎盛冲。至孝。母王氏失明。冲暫行。勅婢食母。婢乃以蟻螬齧食之。王氏甚美。然非魚肉。母謂冲曰。汝試問之。既而問婢。服實見蟻螬冲抱母痛哭。而目立開。本草經曰。蟻螬一名蟻齋。主治血痺。志怪

七按蟻螬本經主治目中淫膚。青翳白膜。

骨哽二則

鄱陽汪友良。因食誤吞一骨。哽於咽中。百計不下。恍惚夢一朱衣人曰。惟南蓬砂最妙。遂取一塊。含化嚙汁。脫然而失。夷堅志

富翁某。中年舉一雄。甫周晬。忽終日啼哭。滴乳不食。舉家憂惶。延多醫商治。籌商立方。藥不下咽。束手無策。次第散去。中有某醫。素專治

。看痘色光潤。機括有漿。勢亦無妨。爲其功之必成耳。故前症予斷生而竟生。

或問痘將收。默默好睡。喚之不醒。人懼予喜。何也。曰。此正氣將復也。人身氣血被毒攪擾。如線之真陽。絕而復續。非安靜閉固。不幾於喪洩耶。易曰。先王以至日閉關。正謂此歟。但必以漿足爲主耳。若無漿。元神將耗。猶之草盡油乾。何足以語此。

或問頭面預腫。肉腫痘不腫。何難治。曰。四時各有司令。寒暑得宜。萬物以生。如春夏之氣先洩。當其正時。將以何氣爲令。如痘未行漿之時。頭面預腫。氣力已竭矣。後此惟見其漸衰耳。安能行漿。然而肉腫痘不腫者。人之正面。因痘腫而腫。腫可以化漿。今則痘乃不腫。肉腫反洩。其氣痘益萎敝耳。其去頭面預腫者幾何。夫人身止有此氣力。奮於前者怯於

後。此自然之理也。方書云。目閉無縫。眼開疑是內攻。正言氣力消長之不得其時耳。

或問予言惟遲毋速。狀有幾。曰。灼灼園中。花早發還先萎。遲遲澗畔。松鬱鬱含晚翠。誠哉是言也。在痘症所謂速者。一出便戴黃漿。纔露更見嬌紅。未漿忽然收結。爲陷伏。爲倒靨。是正氣洩盡。終難成功耳。至所謂遲五六日不見充長。八九日略放白勢。空處復出。陷處復灌。譬如禾稼枯槁。九十月來。得水浸灌。猶可以透子母穗也。予故曰惟遲毋速。

或問看法。何處爲難。曰。惟神爲難。神也者。妙形色而爲言者也。蘊之則爲精光。煥之則爲活相。凡其生機變動。氣勢流溢。皆此之所爲也。如伯樂相馬於驪黃牝牡之外。可以語神矣。予故曰。痘有形者。有形形者。有色者。有色色者。形形色色。生生化化者神也。非神目又何以識此。

山東王肖舫先生來函

廉臣道長偉鑒前紹報所刊越醫彙講各藥性極佳祈道長再刊於貴報以餉閱者爲盼對於新解兒難一種極佳但每期僅一二頁殊爲渴望祈續刊時多增數頁是爲要懇餘續啓敬請

教安

幼廉筱廉二位道兄均此致候

後學王肖舫謹啓

徐仙槎君答覆杜海生君函

海生先生大鑒。迭奉手教。并讀越州社之先生公函一則。聆悉之下。深感愛我情殷。無微不至。然自令嫖死後。物議沸騰。弟受冤誣。本擬早日聲剖。旋以敝社長同甲先生面囑毋須。弟祇好遵教。今蒙一再下問。則弟豈

敢緘默。弟幼承父教。對於世傳家業。兢兢自守。况自行醫以來。已二十有八載矣。平時對症發藥。自問極爲小心。至於重方峻劑。未嘗妄試。令兄同甲先生爲敝社社長。待弟情厚。弟亦執弟子禮以敬之。又承先生不棄。弟曾感戴之不暇。則對於令媛。視同猶子。如其素無經驗。症無來歷。方無成竹。藥不對症。而貿貿然杜撰重劑。非特無以對先生之面。亦無以對自己之良心也。俗云。醫生有割股之心。雖對讐仇者亦不肯以藥害人。而况彼此關切者乎。第馬脾風惡症。爲兒科所獨有。既承下問。謹將前日經過情狀。並對症古方。以及弟之治愈各病家。一一條陳之。幸垂鑒焉。

前月廿二日下午。弟承招往診令媛之病。脈象弦數。苔色膩厚。身熱甚微。而嘻吼嘻吼之喘急。聲如鋸木。非常重劇。氣粗音啞。咳嗽空空若水鷄鳴。兩鼻管煽動。頑痰膠黏肺喉。不得吐出。大便閉結。弟知爲馬脾風惡

症。必有糯米食或麥食與風邪固結所致。遂向尊夫人盤詰令媛近日必吃饅頭或切麵或糯米食等。尊夫人即答稱吃過餛飩兩次。至糯米食未曾記得。殊不知又有條頭糕在焉。弟即鄭重聲明。此病名爲馬脾風。極危險之惡症。不急治。必死。惜乎已經遲了一天。事既如此。姑且憑我經驗。盡我心力。立一板方。連服兩頭煎。至明日五更。若能氣平音亮。遂可出險矣。足徵弟當時何等鄭重。何等仔細。何等關切。所以不謀而立此方者。一則彼此交好。二則如此惡症。險象環生。三則書有是症。症有是方。弟既知之。何忍推諉。且舍此古方。別無良策。又知同甲先生在申未歸。一時無從商酌。於是一腔熱血。照症立方。以冀回春。至翌日早上。未蒙相招。深爲疑慮。遂即命輿再往。知第二劑不服。病勢不減。即斷定爲不起。因當面不便啓齒。故返舍後泐函相告。至與廉伯討論者。弟尙有救治之熱心。

也。何期事與願違。反招物議。嗚呼。令媛死矣。弟遭冤矣。再將對症古方。抄錄呈電。幼幼集成哮喘證治章云。夫喘者惡候也。肺金清肅之令。不能下行。故上逆而爲喘。經曰。諸氣臏鬱。皆屬於肺。喘者肺之臏鬱也。吼者喉中如拽鋸。若水鷄聲者是也。喘者氣促而連屬不能以息者是也。又云。蓋哮喘爲頑痰閉塞。非麻黃不足以開其肺竅。放胆用之。百發百中。又云。胸膈積熱。心火凌肺。熱痰壅盛。忽然大喘者。名馬脾風。蓋心爲午。火屬馬。言心脾有風熱也。小兒此症最多。不急治。必死。用牛黃奪命散下之效。

牛黃奪命散 黑牽牛子 生錦紋 陳枳壳

醫宗金鑑幼科雜病心法喘症門馬脾風歌云。暴喘傳名馬脾風。胸高脹滿脇作坑。鼻竅煽動神悶亂。五虎一捻服最靈。(註)馬脾風俗傳之名。卽暴喘

是也。因寒邪客於肺俞。寒化爲熱閉於肺經。故胸高氣促。肺脹喘滿。兩脇煽動。陷下作坑鼻竅扇脹。神氣悶亂。初遇之。急服五虎湯。繼用一捻金下之。倘得氣升。其喘自止。如兒生百日內者多不救。

五虎湯

蜜炙麻黃 光杏仁 生甘草 生石膏 細茶

一捻金

生大黃 黑丑 白丑 人參 檳榔

幼科準繩喘症門云。馬脾風暴喘而脹滿也。田氏云。暴喘俗傳爲馬脾風也。大小便哽宜急下之。用牛黃奪命散後。用白虎湯平之。又云。馬脾風在百日內者不治。

牛黃奪命散

治小兒肺脹喘滿。胸膈起急。兩脇煽動。陷下作坑。兩鼻竅

張。悶亂嗽喝。聲嘎不鳴。痰涎潮塞。俗云馬脾風。若不治。死在旦夕。

白牽牛

黑牽牛 川大黃 檳榔 涎多加膩粉少許。無時加蜜少許。

無價散 治風熱喘促。悶亂不安。俗謂之馬脾風。

辰砂 輕粉 甘遂

綜核書籍。凡治此症。均是猛劑。足徵其勢危險極矣。若夫六神丸之清喉。滾痰丸之降痰。保赤丹之豁痰。戈半夏之消痰。均爲輔佐之要藥耳。下列近年內治愈各孩之患是症者。請先生實地調查之。方知弟非妄言也。

一 作揖坊魏(胡二先生舊址)女孩

二 常禧門內尹永盛酒坊內男孩。

三 南街雙池頭余達卿君之子。

四 觀音橋謝小孩。卽故紳夏槐卿先生之外孫。

五 留新門口張小安君之子。若在往昔。治愈者則難以枚舉矣。專此奉

覆。敬請爐安。弟徐仙槎頓首

(嘉平廿三日)

介紹諸名醫醫藥書籍

名醫王旭高先生醫書六種 一退思集類方歌注二醫方證治彙編歌訣三增訂醫方歌訣四醫方歌括五薛氏濕論歌訣六西漢書屋夜話錄觀王君斯編以仲聖祖方爲主以後賢化裁而出之方爲輔歸類編歌便於誦記并於每方注明宜忌加減照此用之自然絲絲入扣恰合病情 總發行所上海千頃堂書局定價一元二角

名醫張壽甫先生藥物講義爲醫學衷中參西錄第四期新闡藥用中西並參能發前人所未發 總發行處滄州立達醫院 定價大洋一元實價不扣買書十部外贈二部 郵買付滙票不收郵票每部加郵費五分

名醫嚴癡孫先生金匱廣義爲退思廬醫書第五種奧文立旨多所闡明爲後學必讀之要書 總發行處慈谿東鄉費家市嚴氏養正學校 定價大洋一元二角照碼九折十部以上八折連郵費在內

名醫楊如侯先生靈素生理新論振興國學溝通中西爲研究生理學者必讀之要
書 總發行處山西省城中醫改進研究會橋頭街航慈醫院 定價每部三元二
角照碼八折郵票代洋九五折計算並免郵費躉購十部者另贈一部

介紹各報

山西醫學雜誌中醫改進研究會出版爲名醫楊如侯趙意空二先生編輯新舊並
參內容豐富 總發行所山西太原省城精營東二道街門牌一號中醫改進研究
會 定價全年六冊大洋八角郵費九分

上海中醫雜誌內容既富醫案又多 總發行所上海西門內石皮弄中醫學會內
定價每冊大洋二角五分外加寄費三分定六期洋一元四角寄費一角八分

鐸聲全年十二期大洋二角郵費在內江蘇泰縣曲塘鐸聲報社發行

鎮江醫學公會月刊全年連郵洋三角二分鎮江西城外老商會街醫學公會發行